



Republika e Kosovës
Republika Kosova - Republic of Kosovo
Qeveria - Vlada - Government

Nr. 15/34

Datë: 07.10.2020

Në mbështetje të nenit 92 paragrafi 4. dhe të nenit 93 paragrafi (4) të Kushtetutës së Republikës së Kosovës, duke u bazuar në nenin 4 të Rregullores Nr.06/2020 për Fushat e Përgjegjësisë Administrative të Zyrës së Kryeministrit dhe Ministrive, e ndryshuar dhe e plotësuar me Rregulloren Nr.07/2020, në pajtim me nenin 19 të Rregullores së Punës së Qeverisë së Republikës së Kosovës Nr. 09/2011, në bazë të Udhëzimit Administrativ (QRK) Nr. 07/2018 për Planifikimin dhe Hartimin e Dokumenteve Strategjike dhe Planeve të Veprimit, si dhe pas shqyrtimit të Konceptit për Hartimin e Strategjisë Kombëtare për Zhvillim 2030 në Komisionin për Planifikim Strategjik, Qeveria e Republikës së Kosovës, në mbledhjen e mbajtur më 7 tetor 2020, merr këtë:

V E N D I M

1. Për hartimin e Strategjisë Kombëtare për Zhvillim 2030 (në vijim SKZH 2030).
2. SKZH do të jetë dokumenti kryesor i planifikimit afatgjatë për të zbatuar vizionin e Kosovës për zhvillim të qëndrueshëm ekonomik, social dhe mjedisor.
3. SKZH 2030 ngërthen në vete edhe qëllimin e Kosovës për anëtarësim në Bashkimin Evropian, dhe ndërlidhjen me Objektivat për Zhvillim të Qëndrueshëm nëpërmjet përcaktimit të prioriteteve zhvillimore, objektivave strategjike dhe rezultateve që pritet të arrihen.
4. SKZH 2030, ndër të tjera, do të adresojë sfidat dhe ndikimin e shkaktuar nga pandemia COVID 19 dhe planifikimin e rimëkëmbjes ekonomike.
5. SKZH 2030 do të jetë bazamenti për vendosjen e Kornizës Kombëtare për Menaxhim Strategjik, që duhet të sigurojë thjeshtëzimin, zvogëlimin dhe optimizimin e numrit të madh të strategjive aktuale, duke definuar një strukturë të pastër të sistemit të planifikimit strategjik, hierarkinë dhe tipologjinë e dokumenteve strategjike, definimin e sektorëve, si dhe do të përmirësoj ndërlidhjen e dokumenteve të planifikimit strategjik dhe proceseve buxhetore përmes kaskadimit të objektivave në aktivitete, të cilat në dokumente të ndryshme do të përdoren me formulime dhe kode fikse.
6. Hartimi i SKZH 2030 do të bazohet në Konceptin e SKZH 2030 (si shtojcë e këtij Vendimi) ku janë të përshkruara detajet e procesit, përmbajtjes, planifikimit dhe hartimit nëpërmjet Kalendarit të punës.
7. Procesi i hartimit të Strategjisë Kombëtare për Zhvillim drejtohet/udhëhiqet nga Kryeministri nëpërmjet Komisionit për Planifikim Strategjik (në vijim KPS) dhe Ekipit për përgatitjen e SKZH (në vijim Ekipi), që përbëhet nga Grupi i Përgjithshëm (në vijim GP) dhe Grupet tematike (në vijim GPT).

8. Komisioni për Planifikim Strategjik do të përcaktojë prioritetet dhe objektivat kombëtare të zhvillimit strategjik, si dhe do të shqyrtojë dhe përcaktojë përfundimisht strukturën dhe draftin final të SKZH-së, para miratimit të saj në Qeveri.
9. Kryeministri do të ftojë Këshillin Kombëtar për Ekonomi dhe Investime (në vijim KKEI) për të shqyrtuar vizionin, objektivat dhe treguesit e SKZH-së.
10. Përgjegjësitë e Ekipit për përgatitjen e SKZH janë si në vijim:

10.1. Përgjegjësitë e Grupit të Përgjithshëm janë:

- 10.1.1 Shqyrtimi i Kalendarit të punës të procesit të hartimit të SKZH;
- 10.1.2. Shqyrtimi i strukturës përfundimtare të SKZH-së, para se të kalojë për shqyrtim në KPS;
- 10.1.3. Shqyrtimi i objektivave specifike, treguesve të SKZH-së;
- 10.1.4. Shqyrtimi i prioriteteve afatgjata dhe afatmesme për zhvillim kombëtar, para se të kalojnë në KPS dhe shqyrtimi dhe vlerësimi i koherencës ndërmjet SKZH dhe strategjinë përkatëse për fondet e BE-së (IPA) dhe mbështetjen e donatorëve;
- 10.1.5. Shqyrtimi i prioriteteve horizontale dhe shqyrtimi i krijimit të agjendave horizontale;
- 10.1.6. Shqyrtimi final i SKZH-së në tërësi dhe dërgimi i saj për shqyrtim në KPS;
- 10.1.7. Komentimi, rekomandimi dhe propozimi i objektivave dhe prioriteteve për GPT dhe KPS;
- 10.1.8. Propozimi i aspekteve të caktuara për trajtim në GPT, sipas temave përkatëse;
- 10.1.9. Shqyrtimi, vlerësimi dhe komentimi i çështjeve që kërkohen nga KPS;

10.2. Grupet Punuese Tematike koordinohen nga ZPS dhe kanë këto përgjegjësi:

- 10.2.1. Analizimi, shqyrtimi, propozimi dhe hartimi i analizave të mbështetura në sektorë në kuadër të secilës temë;
- 10.2.2. Identifikimi i sfidave dhe problemeve për sektorë dhe propozimi i objektivave strategjike për adresimin e tyre në kuadër të sektorit, të cilat i zbatojnë objektivat strategjike kombëtare;
- 10.2.3. Analizimi, shqyrtimi, propozimi dhe hartimi i objektivave dhe treguesve në kuadër të temës përkatëse;
- 10.2.4. Shqyrtimi, analizimi dhe adresimi i komenteve, rekomandimeve dhe propozimeve të GP dhe KPS;
- 10.2.5. Analizimi dhe shqyrtimi i çështjeve tjera që vijnë nga GP.

11. Anëtarët e Grupit të Përgjithshëm janë:

- 11.1. Kryesuesi i Grupit Drejtues për Planifikim Strategjik (në vijim GDPS), Kryesues;
- 11.2. Këshilltari politik i përcaktuar nga Kryeministri;
- 11.3. Anëtarët e përhershëm të GDPS;
- 11.4. Koordinatorët e Grupeve Punuese Tematike;
- 11.5. Kryesuesi, sipas nevojës, mund të ftoj si anëtar edhe përfaqësues tjerë të ZKM-së dhe Ministrive.

12. Anëtarët e Grupeve Punuese Tematike janë:

12.1. Tema 1: Sundimi i ligjit dhe qeverisja e mirë:

- 12.1.1. Përfaqësuesi i Zyrës për Planifikim Strategjik, (ZPS/ZKM), Koordinator i GPT;
- 12.1.2. Dy përfaqësues nga MD; dy përfaqësues nga MPB; një përfaqësues nga MPJD; një përfaqësues nga MTI; një përfaqësues nga MPL; një përfaqësues nga MM; një përfaqësues nga Agjencia Kundër Korrupsionit; një përfaqësues i Agjencisë për Barazi Gjinore; një përfaqësues nga Asociacioni i Komunave të Kosovës; një përfaqësues nga KGJK; një përfaqësues nga KPK; një përfaqësues nga ZAP; një përfaqësues nga Avokati i Popullit; një përfaqësues nga KRPP; një përfaqësues nga OSHP; një përfaqësues nga AKI; një përfaqësues nga Policia e Kosovës; një përfaqësues nga KSK; një përfaqësues nga Dogana; një përfaqësues nga ATK; një përfaqësues nga ZL e ZKM; një përfaqësues nga ZQM e ZKM; një përfaqësues nga ish strukturat e MIE (tash ZKM); një përfaqësues nga MF.

12.2. Tema 2: Rritja e qëndrueshme ekonomike:

- 12.2.1. Përfaqësuesi i Zyrës për Planifikim Strategjik, (ZPS/ZKM), Koordinator i GPT.
- 12.2.2. Katër përfaqësues nga MTI; katër përfaqësues nga MEA; pesë përfaqësues MPBZHR; një përfaqësues nga MPMS; katër përfaqësues nga MI; një përfaqësues nga MPJD; një përfaqësues nga MZHR; një përfaqësues nga MKK; një përfaqësues nga Dogana; një përfaqësues nga AKK; një përfaqësues nga ATK; dy përfaqësues nga KIESA; një përfaqësues nga ARPK; dy përfaqësues nga ASK; një përfaqësues nga SKQ e ZKM; një përfaqësues nga ish strukturat e MIE (tash ZKM); një përfaqësues nga MF.

12.3. Tema 3: Kapitali njerëzor dhe kohezioni social:

- 12.3.1. Përfaqësuesi i Zyrës për Planifikim Strategjik, (ZPS/ZKM), Koordinator i GPT;
- 12.3.2. Katër përfaqësues nga MASH; tre përfaqësues nga MPMS; një përfaqësues nga APRK; dy përfaqësues nga MSH; një përfaqësues nga MKRS; një përfaqësues nga Këshilli i Kosovës për Trashëgimi Kulturore; një përfaqësues nga MEA; një përfaqësues nga MKK; një përfaqësues nga MTI; një përfaqësues nga MAPL; një përfaqësues nga MPJD; një përfaqësues nga MI; një përfaqësues nga MPB; nga një përfaqësues prej Universiteteve publike dhe private; një përfaqësues i Agjencisë për Barazi Gjinore; një përfaqësues i Zyrës për Qeverisje të Mirë; një përfaqësues i Agjencisë për Arsim dhe Aftësim Profesional dhe Arsimin e të Rriturve; një përfaqësues i Agjencisë së Kosovës për Akreditim; një përfaqësues i Autoritetit Kombëtar të Kualifikimeve; një përfaqësues i Akademisë së Shkencës dhe Arteve të Kosovës; një përfaqësues i Institutit Pedagogjik të Kosovës; një përfaqësues i Asociacionit të Komunave të Kosovës; përfaqësues i Fondit të Sigurimeve Shëndetësore; një përfaqësues nga IKSHP; një përfaqësues i Agjencisë së Statistikave të Kosovës; një përfaqësues nga ish strukturat e MIE (tash ZKM); një përfaqësues nga MF.

12.4. Tema 4: Mjedis i pastër dhe burime të qëndrueshme:

12.4.1. Përfaqësuesi i Zyrës për Planifikim Strategjik, (ZPS/ZKM), Koordinator i GPT;

12.4.2. Pesë përfaqësues nga MEA; një përfaqësues nga MI; një përfaqësues nga MBPZHR; një përfaqësues nga MZHR; një përfaqësues nga AMMK; një përfaqësues nga IPH; një përfaqësues nga IMN; një përfaqësues nga Agjencia Kadastrale e Kosovës; një përfaqësues nga ARPL; një përfaqësues nga ARRU; një përfaqësues nga KNU; një përfaqësues nga IKSHP; një përfaqësues nga MF; një përfaqësues nga ish strukturat e MIE (tash ZKM).

12.5 Koordinatorët e GPT-ve, sipas nevojës, do të ftojnë në cilësi të anëtarit apo vëzhguesit përfaqësues tjerë nga institucionet publike, partnerët zhvillimorë, sektori privat, shoqëria civile, partnerët social, institucionet akademike, institucionet e huaja që veprojnë në Kosovë, ekspertë të huaj dhe të brendshëm.

12.6. Sipas nevojës, koordinatori i GPT-ve mund të organizojnë punën me anë të nëngrupeve tematike.

13. Zyra për Planifikim Strategjik do të shërbejë si Koordinator i punës së Ekipit përgjatë gjithë procesit të hartimit të SKZH 2030.

13.1. Përgjegjësitë e Zyrës për Planifikim Strategjik, janë:

13.1.1. Planifikimi i Kalendarit të punës për tërë procesin e hartimit të SKZH, dhe dërgimin e të njëjtit për shqyrtim në GP dhe për miratim në KPS;

13.1.2. Planifikimi dhe organizimi i takimeve të KPS-së dhe GP-së, duke përfshirë përgatitjen e materialeve për diskutim dhe përmbledhjen e diskutimeve në KPS dhe GP;

13.1.3. Kryesimin e GPT-ve dhe përgatitjen e udhëzimeve të punës për to;

13.1.4. Vlerësimin e analizave, statistikave dhe problemeve të identifikuara që dalin nga puna e GPT-ve, dhe duke u bazuar në këto, ofrimi i analizës së detajuar të situatës në nivel qendror;

13.1.5. Adresimin e komenteve, vërejtjeve dhe rekomandimeve të GP, KPS dhe palëve të përfshira në hartimin dhe konsultimet publike, në draftin e SKZH;

13.1.6. Organizimin e tryezave publike për diskutimin e objektivave dhe drafteve të SKZH-së;

13.1.7. Raportimi i rregullt i punës të GPT-ve në GP, me anë të raporteve dhe përmbledhjeve;

13.1.8. Mbështetja teknike dhe administrative, sipas nevojës, për Ekipin në tërësi;


13.1.9. Të gjitha shërbimet tjera mbi hartimin e Strategjisë, sipas mandatit të saj.

14. Njësitë brenda Zyrës së Kryeministrit, ministrive dhe institucionet tjera publike, i ofrojnë mbështetje Ekipit, sipas përgjegjësiave që kanë.

15. Zyra e Kryeministrit merr përsipër krijimin e kushteve të nevojshme për mbarëvajtjen e punës së Ekipit.

16. Obligohen të gjitha institucionet dhe organet e përmendura në këtë vendim për zbatimin e këtij Vendimi.
17. Vendimi hyn në fuqi ditën e publikimit në Gazetën Zyrtare të Republikës së Kosovës.

Avdullah HOTI



Kryeministër i Republikës së Kosovës

Iu dërgohet:

- Zëvendëskryeministrave
- të gjitha ministrive (ministrave)
- Sekretarit të Përgjithshëm të ZKM-ës
- Sekretarëve të Përgjithshëm të Ministrive
- Të gjithë anëtarëve të Ekipit
- Arkivit të Qeverisë